



UNIVERSITÄTS-
BIBLIOTHEK
PADERBORN

Codex diplomaticus Brandenburgensis

Sammlung der Urkunden, Chroniken und sonstigen Quellenschriften für
die Geschichte der Mark Brandenburg und ihrer Regenten

Supplementband und Schluß des ganzen Werkes bis auf die Register

Riedel, Adolph Friedrich

Berlin, 1865

XXIV. Graf Otto von Schwerin vergleicht sich mit dem Markgrafen Ludwig,
am 24. August 1347.

Nutzungsbedingungen

[urn:nbn:de:hbz:466:1-55834](https://nbn-resolving.org/urn:nbn:de:hbz:466:1-55834)

nanten ammechtman sal er nicht entfetten in iares frist, denne mid vnserm rate vnnnd willen. Wer aber, daz er yn darnach vorkeren wolde oder ab er nicht lenger sin ammechtman da sin wolde, so scal er vz sine Houeghefinde enen Erberen man an sine stad tzu ammechtmanne da setzen, der allez daz vultzen vnd vulfüren vns sal, daz er vorghenante friedrich vns vultzogen vnd getan folde habin an vnser vorghenanten swager von Brandenburg stad in der wiz, als voregeseben stet. Ouch iz gheret, wer, daz wir abgingen in dissen vier Jaren, des god nicht wolle, so sal vnse son Hertzoghe Magnus de vorgeseuen vorbintnisse vnd stücke, als voregeseben stet, stete vnd gantz halden. Vnde wir Hertzoghe Magnus der Junge ghelobin, alle desse vorgeseben buntnisse vnde stücke stete tzu haldene mid vnserm egenanten Heren vnd vater vnd an siner stat in aller wiz, als vorgeseben stet. Vnde daz disse buntnisse vnd al vorgeseben stücke stete vnd ganz gehalden werden, daz geloben wir in guten truwen an argheleift vnd gebin des tzu orkunde dissen bref, besighelet mid vnser vnd vnser egenanten sones hangenden insigelen, Der geben ist ze Tangermünd, am Donnerstag nach sant Martins tag, Nach kristus geburt Drizehnhundert Jar vnd in dem Sechs vnd virtzigstem Jare.

Nach dem Originale des Frankfurter Mathesarchives VIII, 3, 74.

XXIV. Graf Otto von Schwerin vergleicht sich mit dem Markgrafen Ludwig,
am 24. August 1347.

Wy Otto, von der gnade ghodes Greue tu zwerin, bekenne vnd bethugen openbar an desme breue, dat wy vns vmme alle schelinghe, de wy hadden mit dem hochborn vorsten vnser leuen Heren, Hern Lodewiche, dem Markgreuen tu Brandenburg, ghanzliken vorennet hebben beyde vmme leen vnd vmme parleberche vnnnd sunt der gheghan tu den Eddelen vorsten vser Hern, Hern Waldemare, deme konynghe von denemarken vnd Hertogen Erike van Saffen tu louenborch deme Jungen, Wanne de tu lande komen, dar na binnen enen verdendel Jares scole de vs des enen ende gheuen. Wat de vs an beyden Syden do spreken, dat scal vser en dem Andern dun vnd vast halden. Were ouer, dat desse konyng vnd Hertoghe beyde af ghyngen, dar de ghot vor beware, so schal dit vorseuen stan vppe vnser Hern den Margreuen vorbenomet suluen vppe Hern frederiche van logghen, ridder, sinen Houetman, vnd Clawes hanen, knape, desse scolens vs och enen ende gheuen binnen eneme verdendel Jares darna. Wes de vs an beyden Syden bespreken, dat scal vnser en dem Andern dun vnd holden. Na desme jeghenwardighen daghe schal vse Here de Markgreue vs vser rechttes vordegghinghen jeghen Alleswene vnnnd schal minne vnd rechttes van vser wegheh weldich sin, hir vmme so bitte wy em tu denste mit vser landen, Mannen, Sloten vnd Steden vnd deme he dat hebben wil, dat schal he ouer dat dun mit sinen breuen. Vortmer were, dat wy jenegherleye Schaden nemen, dar vs ghot vor beware, in Orloghe van siner weghene in vser sloten, he en schal sich nimmer ofte sunen, wie en hebben de flote wedder. Were och, dat wi flote in vnser eghene Orloghe verloren, he scol sich nummer daghen ader sunen, wi ne hebben de flote wedder. Vort-

mer scole wi em denen mit vif vnde twintich mannen mit Helmen vnd mit vser banner, wor he des bedarf vppe sine eghenen cost, winn vnd vorluft. Wanne he dit van vs hebben wil, so scal het vs verteynacht vor tu wetene dun, dar na scole wj em volghen vnd scolen em dar mede volgen binnen sinen landen vnd teyn mile dar buten, van dar sin Schede heret. Wer, dat he vser vorder bedroffte vnd hebben wolde, dar scal he an vfeme vnd vser manne willen maken vnd scal vs vnnemen laten in sineme neghesten Slote, dat bi vs is. Vortmer were, dat vse lutteke perde vorlorn, de schal he enghelden, so wanne he se wil ridende hebben. Were, dat he orse ofte Hingste vorlorn de vse, de scal he enghelden binnen ver wekene darna. Were, dat vse man ghevanghen worden, de schal he losen binnen eneme haluen Jare darna. Were, dat he vs suluen hebben wolde, he scal vs fulke bewaringhe dun vor vnse vengnisse, als finer manne twen vnd vser manne twen dunckt bescheden wesen. Were, dat wi van eme hulpe bedroften, wanne wi de van em eschen binnen verteyn nachten darna, schal he vs senden hundert man mit Helmen, mit finer banner vppe sine eghene cost, winn vnd verluft, we schun en ouer achte daghe de kost gheuen, bet he vnd sine win hebben moghen, darna scal he se suluen de kostynghen, de acht daghe cost scal me vs wedder legghen van der dyngnisse. Were ouer, dat des vs not were darna, he scal vns volghen mit finer ghanzen macht vppe sine eghenen cost, win vn vorluft. Were, dat he Slote wunne in vser Hulpe, de scolen sin half wesen vnd vse Half. Were, dat wy beyde strideden vp einen velde, de Vanghenen scolen vse sin na mantalen. Were, dat wie eghen orloghe hadden, so scal he vs vse lant wedder legghen mit der lighende grunde: wat he dar bouene vordinghet, dat scole wi vpboren na mantalen. Were, dat wi em de kost gheuen wolden, so scole wi de dignisse alene behalden, dat scal an vs stan. Were, dat wi orloghen sculden van finer wegghen, dar em vigende so na beseten, wenn dat se vfen landen schaden mochten, den schaden scal he vs wedder legghen mit der vighende gude, oft it dar were. Vortmer were, dat wi vromen nemen, an welchen stücken dat were, dar he nimende mede hadde, den scole wi suluen beholden. Were, dat vs Jemend vorvrecht wolden an vfen Schede ofte wor dat dane were, dat scol he vs bi beholden. Vortmer wi scolen em ock beholpen wesen vppe alles wene, behaluen vppe Hern Hertoghe Erike van Saffen den Jungern vorbenomet vnd vfen veddern Greuen Clawese van zwerin. Minne vnd rechtes sole wi weldich sin van finer weghene ouer vse vrunt, binnen achte daghe darna schole em beholpen sin. Were, dat vser vrundt welk an dessen deghedinge wesen wolde, de scal dessen suluen deghedinghe neten. Dat dit stede vnd vast bliue, so loue wi dit mit vfen medelouen Vlriche van dryberche, Ghotscalk prene, ridderen, gherold Hafencoppe, Hennynghe Nighenkerken vnd Henneken prene, knapen, vfeme leuen Hern den Markgreuen vorbenomet vnd sinen medelouen, deme Eddelen manne Greue Vlriche van lyndowe, frederiche van lochen, deme Houetmanne, laurencius grifeke van Gryfenberche, riddern, Olden Hanffen van wedele vnd ghereken Wulue, knapen, sunder jenegherhande arghelift vnd hebben vnse Ingheleghele en mit vser medelouern Ingheleghele altomale tu desme breue ghehenght, de gheuen is tu Wizftok, na godes bort duzent Jar drehundert Jar an deme souen vnde virtigheften Jare, in sunte bartholomeus daghe.

Nach dem Original im Stadtarchive zu Frankfurt VIII, 3, 84.